



Xabar

O'ZBEKISTON POCHTA VA TELEKOMMUNIKATSIYALAR AGENTLIGI NASHRI

1992 yil martdan chiqa boshlagan

2001 yil, 28 sentyabr № 40 (473)

Sotuvda narxi erkin

ТАЙИНЛАШЛАР



Ўзбекистон Республикаси Вазирлар Маҳкамасининг 2001 йил, 21 сентябр қарорига мувофиқ **Аъзам Фахритдинович ИЗБОСАРОВ** Ўзбекистон почта ва телекоммуникациялар агентлиги Бош директори ўринбосари этиб тайинланди.

Аъзам Избосаров 1962 йили Навоий вилояти Хатирчи туманида туғилган. Миллати – ўзбек. Маълумоти – олий,

1984 йили Тошкент электротехника алоқа институтини битирган. Мутахассислиги – автоматик электралоқа муҳандиси.

Аъзам Избосаров 1982-1984 йиллари Тошкент Давлат педагогика институти физика кафедрасида лаборант, 1984-1985 йиллари Навоий Давлат электралоқа ишлаб чиқариш корхонасида лаборатория муҳандиси, 1985-1997 йиллари Хатирчи электралоқа корхонасида муҳандис, 1997-2000 йиллари "Халқаро Телеком" АКда бош директор ўринбосари, 2000-2001 йиллари Шаҳарлараро алоқа ва телевидение ҳудудий ишлаб чиқариш бирлашмаси бошлиғи вазифаларида хизмат қилган. А. Избосаров 2001 йилдан бошлаб "Шаҳарлараро алоқа корхонаси" акциядорлик жамияти бош директори лавозимида ишлаб келган.



"Ўзбектелеком" АК Кузатов Кенгашининг қарори билан **Ҳаким Асрорович МУХИТДИНОВ** компания бош директори этиб сайланди.

Ҳаким Мухитдинов 1960 йили Тошкент шаҳрида туғилган. Миллати – ўзбек. Маълумоти олий, 1983 йили Тошкент электротехника алоқа институти, 2000 йили эса Ўзбекистон Республикаси Президенти ҳузуридаги Дав-

лат ва жамият қурилиши академиясини битирган. Мутахассислиги – автоматик электралоқа муҳандиси. Иқтисод магистри илмий унвонига эга.

Ҳаким Мухитдинов 1983-1985 йиллари Шаҳарлараро алоқа қурилиши ихтисослаштирилган монтаж бошқармаси муҳандиси, 1985-1992 йиллари Тошкент телеграф-телефон станцияси муҳандиси, 1992-1997 йиллари Тошкент халқаро электралоқа маркази бошлиғи, 1997-2000 йиллари "Халқаро Телеком" АК бош директорининг биринчи ўринбосари вазифаларида хизмат қилган. Ҳ. Мухитдинов 2000 йилнинг июл ойидан бошлаб "Ўзбектелеком" АК бош директори ўринбосари вазифасида ишлаган.



"Ўзбекистон почтаси" ДАКнинг умумий йиғилишида **Абдуҳамид Абдумажидович МАХМУДОВ** компания бош директори этиб сайланди.

Абдуҳамид Махмудов 1962 йили Тошкент шаҳрида туғилган. Миллати – ўзбек. Маълумоти – олий, 1983 йили Тошкент электротехника алоқа институти битирган. Мутахассислиги – электралоқа муҳандиси.

Абдуҳамид Махмудов 1983-1985 йиллари Фарғона шаҳри телеграф-телефон станцияси муҳандиси, 1988-1995 йиллари Ўзбекистон Республикаси Алоқа вазирлигида вазир ёрдамчиси, 1995-1998 йиллари Ўзбекистон Республикаси Вазирлар Маҳкамаси қотибият ўринбосари, 1998-1999 йиллари "Ўздунробита" қўшма корхонаси бош директорининг ўринбосари вазифаларида ишлаган. А. Махмудов 1999 йилнинг ноябр ойидан бошлаб "Тошкент телеграф-телефон станцияси" АЖ бош муҳандиси вазифасида хизмат қилиб келган.

1 ОКТЯБР — ЎҚИТУВЧИЛАР ВА МУРАББИЙЛАР КУНИ!

Ушбу байрам муносабати билан "Xabar" газетаси жамоаси барча устозларни, ўқитувчи ҳамда мураббийларни касб байрамлари билан муборакбод этади. Уларнинг ёш авлодга зиё тарқатишдек масъулияти, фидокорона ва айни пайтда шарафли ишларида омадлар тилайди.

Байрамингиз муборак бўлсин!

"UzTEL-2001": ИККИНЧИ ХАЛҚАРО КЎРГАЗМАСИ ЯКУНЛАНДИ

Газетамизнинг аввалги сонига хабар қилганимиздек, пойтахтимизнинг "ЎзЭкспоМАРКАЗ"ида "UzTEL-01" "Телекоммуникациялар ва компьютер технологиялари – 2001" иккинчи халқаро кўргазмаси бўлиб ўтди.

Юртимиз ҳамда хорижий компаниялар иштирокида ўтказилган бу кўргазмада истеъмолчилар ва мутахассисларга республиканинг улкан салоҳияти, Интернет ва хизматнинг ўнлаб янги турлари кўргазмалари тарзда тарғиб қилинди. Шулардан бири – видеоконференцалоқа кўргазманинг барча иш кунларида Тошкент-Самарқанд йўналишида мутасил ишлаб турди. Юзлаб мижозлар компанияларнинг шаҳарлараро сўзлашувлар учун кредит қарточкаларидан фойдаландилар. Йўлдошли ва уяли алоқанинг янги стандартлари, янги технологияга ўтиш, энг

сўнги техника ва материаллардан фойдаланиш кўргазмада алоҳида қайд этилди. Кўргазманинг вазифаларидан бири ҳам шу каби хизматларни истеъмолчиларга янада кенгрок тарғиб қилишдир. Маълумки, ҳозир Ўзбекистонда телекоммуникациялар тармоғининг ривожланиши янги сифат босқучида турибди. "Ўзбектелеком" АКни хусусийлаштиришга тайёргарлик халқаро институтлар иштирокида ўз низоҳисига етмоқда. Сўнги йилларда улкан имкониятлар негизда яратилган телекоммуникациялар хизматиға бўлган талабни қондириш учун янги имкониятлар даражасини кўрсатиш ҳам муҳимдир.

Кўргазма қатнашчилари кенгайтирилган дастур бўйича ўтказилган йиғилишда семинар-тақдиротдан ўтдилар. Хусусан, бу йиғилишда Ўзбекистон телекоммуникациялари бозорининг янги имкониятлари ва истиқболларини, "Ўзбек-

телеком" АКни хусусийлаштириш жараёнларини, инновацион технологияларни жорий этиш ва ҳамкорлиқни мустаҳкамлаш, Ўзбекистонда соҳани келгусида янада ривожлантириш масалалари муҳокама қилинди. Бунда Давлат Мулк қўмитаси, Ўзбекистон почта ва телекоммуникациялар агентлиги, "Ўзбектелеком" АК, "Коммерцбанк" молиявий консултантлари ва бошқа вакилларнинг маърузалари тингланди.

Ушбу кўргазмада янада файзли-мазмунли қилган нарсаси бўлдики, унда Ўзбекистонда ўтказилган Интернет-форум танлови ғолиблари Интернет орқали овоз бериш йўли билан аниқланди. Савринлари Ўзбекистон почта ва телекоммуникациялар агентлиги Бош директори А. Орипов топширди.

А.КУДИНОВ

АЛОҚАЧИЛАР ПАХТАЗОРДА

Айни кунларда республикамиз бўйлаб олтин куз ҳосили – "оқ олтин"ни йиғиб олиш қизғин давом этмоқда. Пахта йиғим-теримида Роми-тан филиали алоқа ходимлари ҳам "Дўстлик" жамоа ҳўжалиги пахтакорларига яқиндан ёрдам берапти. Улар "Илёс" фермер ҳўжалигида ҳар куни 75-85 килограммдан ошириб пахта териб топширмоқдалар. Айниқса, Моҳира Шокирова, Насиба Қари-мова, Гулчехра Одинаева, Шаҳзода Азимова ва Эркин Бозоров каби алоқачилар кўпчиликка ўрнак бўляпти.

Ш. БОҚИЕВ,
Бухоро вилояти

Республикамизда радиочастота спектри, радиоэлектрон воситалар ва юқори частотали қурилмалардан фойдаланишнинг ҳамда телекоммуникациялар соҳасида хизмат кўрсатишни тартибга солиш мақсадида ҳукуматимиз томонидан бир қатор қонуний ва меърий ҳужжатлар ишлаб чиқилган. Ўзбекистон Республикасининг "Радиочастота спектри тўғрисида"ги ва "Телекоммуникациялар тўғрисида"ги қонунлари шулар жумласидандир. Шунингдек, Ўзбекистон

Республикаси Вазирлар Маҳкамасининг 1998 йил, 10 июлдаги "Частота спектридан фойдаланиш, телерадиостанцияларни шакллантириш ва тарқатиш ҳамда маълумотлар узатиш самардорлигини ошириш юзасидан қўшимча чора-тадбирлар тўғрисида"ги 293-сонли қарори мавжуд. Маъмур қарор Давлат алоқа инспекцияси, Республика Давлат божхона қўмитаси ҳамда Давлат солиқ қўмиталари радиоэлектрон воситаларни ва юқори частотали қурилмаларни Ўзбекистон Республикаси ҳудудида сотиб олиш (берил), лойиҳалаштириш, қўриш (бўриш), улардан фойдаланиш, сотиш ва уларни чет эллардан олиб келиш тартибига риоя қилиниши устидан назорат-

ни амалга оширади.

Ҳўш, ушбу қарорнинг бажарилишига жойларда қай тариха амал қилинмоқда? Шу мақсадда Давлат алоқа инспекцияси мутахассислари Электромониторинг мослашув маркази, Миллий халқсизлик хизмати, Ички ишлар вазирлиги ва Солиқ инспекцияси ходимлари билан биргаликда белгиланган режа-та-

ҚОНУНЛАРНИ

ҚАЧОН

ЎРГАНАМИЗ?

электрон воситаларни аниқлаш бўйича рейдлар ўтказишди. Ҳамкорликда ўтказилган ушбу рейдлар натижасида республикамиз ҳудудида бир юз етмиш саккизта, шу жумладан Хоразм вилоятида саксон ута, Андижонда ўттиз саккизта, Қашқадарёда ўттиз битта, Термиз ва Наманганда саккизтадан, Сирдарё ва Жиззахда бештадан радиотелефон ва радиоузаткичлардан ноқонуний фойдаланишга аниқланиб, тегишли чоралар қўрилди.

(Давоми 2-бетда.)

Кейинги йилларда республикамиз телекоммуникация соҳасини ривожлантириш, уни замонавий технологиялар билан таъминлаш борасида ҳукуматимиз томонидан бир қанча қарор ҳамда меъёрий ҳужжатлар ишлаб чиқарди. Бугунги кунда уларнинг амалдаги нжроси қай даражада, мавжуд ютуқ ва муаммолар нималардан иборат? Мухбиримиз шу ҳақда "Ўзбектелеком" акциядорлик компаниясининг ички аудит бўлими бошлиғи Абдухалил ҲОШИМОВ билан суҳбатлашди.

— Абдухалил ака, аввало, ишлаб чиқилган қарорлар юзасидан фикрингизни билмоқчи эдик.

— Ўтган ўн йил мобайнида республикамиз алоқачилари телекоммуникация тармоғини ривожлантиришда кўзга кўринарли ютуқларга эришдилар. Вазирил Маҳмасининг 1994 йил, "Ўзбекистон Республикаси телекоммуникация тармоқларини ривожлантириш, реконструкция қилиш ва уларнинг иш сифатини яхшилаш чора-тадбирлари тўғрисида"ги 1995 йил "Ўзбекистон Республикаси телекоммуникация тармоғини 2010 йилгача бўлган даврда реконструкция қилиш ва ривожлантириш Миллий дастури тўғрисида"ги қарорлари алоқа тармоғини ривожлантиришда муҳим омил бўлди. Ушбу қарорларни амалга ошириш учун чет эл кредит сармоялари асосида шартномалар тузилиб, улардан жаҳон андозаларига мос келадиган замонавий техника ускуналари, электрон АТСлар, шаҳарла-

раро ва халқаро электрон станциялар ҳамда радио релейли алоқа воситалари келтирилди. Бугунги кунда бу алоқа воситалари республикамизнинг турли жойларида халқимиз фаровонлиги учун хизмат қилмоқда.

Ветандошларимиз телефон, телеграф, факс, электрон почта ва Интернет каби алоқа хизматлари орқали дунё билан боғланиш имкониятига эга бўлдилар. Айни чоғда ҳали алоқа хизматларига бўлган талаблар тўла қондирилди деб бўлмайди. Соҳани ривожлантиришда қилинадиган ишлар кўп.

ОЛМОҚНИНГ БЕРМОҒИ БОР

— Компаниянинг аудит бўлими бошлиғи сифатида ички ва ташқи тўловлар, дебиторлик ва кредит қарзлар борасида нима дея olasiz?

— Саволингиз жуда ўринли бўлди. Бу масала юзасидан биз жиддий бош қотиряёмиз. Чунки телекоммуникация тармоғини ривожлантиришдан ташқари чет эл кредит тўловларини тўлашни, халқаро алоқа хизматлари учун ҳамдўстлик мамлакатларига ва чет эл давлат компанияларига бўлган қарзларни ўз вақтида узишни ҳам ўйлашимиз керак, албатта. Бу йўлда Ўзбекистон почта ва телекоммуникациялар агентлиги ва "Ўзбектелеком" акциядорлик компаниясининг бир неча буйруқлари, фармойишлари чиққан ва қўйилган самарали ишлар қилинмоқда. Лекин бугунги кунда алоқа хизматлари учун қарзлар шунчалик

кўпайиб кетганки, бу республикамиздаги телекоммуникация тармоқларини ривожлантириш учун хоржий компаниялар билан ўз вақтида ҳисоб-китоб қилишга салбий таъсир кўрсатмоқда.

— Мисоллар келтира olasizми?

— Марҳамат. 2001 йилнинг 1 сентябр ҳолатига кўра миқозларга кўрсатилган алоқа хизматларига бўлган дебиторлик қарзлар 3001,2 млн. сўмни ташкил этиб, шундан ҳўжалик ҳисобидagi корхоналарда 907,7 млн. (30,2 фоиз), бюджет ташкилотларида 828,8 млн. (27,6 фоиз), аҳолида 1040,3 млн.

(1770 минг), Бекобод пахта тозалаш заводи (1500 минг) каби муассасалардан ўз дебиторлик қарзларини ундирга олмапти.

Корхоналардаги дебиторлик ва кредитдорлик қарзларини бартараф этиш учун олиб борилаётган ишлар қониярли эмаслигини тан олишимиз керак. Бизлар бозор иқтисодиёти даврида миқозлар билан ишлашда аввало шартномада кўрсатилган барча шарҳларнинг бажарилишини таъминлашни, ундан сўнг уларга хизмат кўрсатишни йўлга қўйишимиз зарур. Шундагина миқозларнинг тўлов қобили-

иятмоний тараққиёт даврида миқозлар томонидан ишлаб чиқаришни нотиғри ташкил этиш, бозор талабини чуқур ўрганмай иш тутиш ҳам кўпдан натижани бермайди. Қолаверса, олмоқнинг бермоғи ҳам бор деганларидек ҳизматимиздан фойдаланишни билганлар ҳақини ҳам тўлаб қўйиш шарт. Шу оддий ҳақиқатни ҳеч ким унутмаслигини лозим.

— Бундай ачинарли ҳолга тушиб қолмаслик учун қандай йўл тутиш керак?

— Аввало, раҳбар тажрибали, эртанги кун билан яшайдиган, табирикор бўлиши зарур. Ҳозирги давр ҳар бир раҳбардан ўзининг корхона ёки ташкилотда ишлаб чиқарилаётган маҳсулотлари бозорини таҳлил этиб боришни, техникавий салоҳиятини ўрганишни, асосий ва айланма маблағлардан самарали фойдаланишни талаб қилмоқда. У корхонасининг молиявий барқарорлигини таъминлай олиши, оқилдagi қарзларни тўлаш қобилиятини аниқлаш ва ўз эҳтиёжини таъминлаш учун иқтисодиётини меъёр ҳолатга келтириши шарт. Шу ўринда яна бир бор таъкидлаб ўтмоқчиманки, республикамиздаги телекоммуникация тармоқларини янада ривожлантириш ва халқаро алоқа хизматлари учун бўлган қарзларни узиш миқозларнинг алоқа хизматларига бўлган тўловларини ўз вақтида тўлашига боғлиқ.

У. ЎЙЛДОШЕВ суҳбатлашди



Қаршидаги 3-АТС оператори Шаҳодат ТОҒАЕВА абонентлар телефонидagi нозоликларни аниқламоқда.

Т. ЛУТФУЛЛАЕВ олган сурат

ЎТ БАЛОСИДАН АСРАСИН!

Шу йилнинг ўтган саккиз ойи мобайнида Юнусобод туманида 167 та ёнғин содир бўлиб, моддий зарар 999604 сўмни ташкил қилди. Бунда тўрт киши ҳалок бўлди ва уч киши тан жароҳати олди.

Ёнғин аксарият ҳолларда сигарет қолдиқини ташлаш, болаларнинг олов ўйнаши, газ иситиш печларининг ҳаддан ташқари қизиқ кетиши, электр симларнинг қисқа туташуви, қуриган ўт-ўланлар ва шох-шаббаларни эътиборсизлик билан ёқиш оқибатида содир бўлмоқда. Мисол учун Юнусобод тумани, Рафиков кўчаси, 25-ўйда, 7-даҳанинг 38-уй, 23-хонадонда ва Ҳасанбой даҳасидаги Бахт кўчаси, 43-ўйда шу сабаблар тўғрисида содир бўлган ёнғин моддий оқибатларга олиб келди. Шунингдек, Ф. Ҳўжаев кўчасида жойлашган Салор ариғи бўйидаги очик майдонда 500 м² қуриган қамиш бепарволик натижасида ёнғин кетган.

Азиз юртдошлар, юқоридagi қўйилган ҳолатларнинг олдини олиш учун сизларга яна бир бор ёнғиндан сақланиш

қонун-қоидаларини эслатиб ўтамиз. Носоз электр анжомларини ўз вақтида кўздан кечириб, уларни тузатиб қўйиш, эскирган электр симларни алмаштириш, газли иситиш печ мўриларининг соз-носозлигини текшириб туриш, газ печларини ҳаддан ташқари қиздириб юбормаслик, улар устида қирлар қуришмаслик, ўчирилмаган сигарета қолдиқларини ҳар ерга ташлашмаслик, уй ва шахсий гараж атрофларини чиқиндилардан, ўт уюмлари ва шох-шаббалардан тозалаб туриш лозим. Болаларни уйда ёлғиз қолдирмаслик ва улар билан доимий равишда олов билан ўйнаш оғир оқибатларга олиб келиши мумкинлиги ҳақида суҳбатлар ўтказиб туриш керак. Ушбу ёнғин хавфсизлиги қоидаларига риоя қилсангиз, ўз уйингизни ва атрофингиздагиларнинг мол-мулкни ҳамда ҳаётини сақлаб қолган бўласиз.

Мирзохид МҲМИНОВ,
Юнусобод туман ёнғин
хавфсизлиги хизмати
катта инспектори

(Аввали 1-бетда.)

Шу билан бирга "Сирдарё Телеком" акциядорлик жамиятининг шаҳар филиалида еттига абонентга хизмат кўрсатаётган транк алоқа қўнунларни қўнунларини хизматининг ҳам лицензияланганлиги ҳамда Электромагнит мослашув марказидан рухсатнома олманлиги сабабли фаолияти тўхтатилди.

Телекоммуникациялар соҳасида фаолият кўрсатиш ҳамда радио-электрон воситалар ва юқори частотали қўрилмалардан фойдаланиш учун махсус рухсатномалар кераклиги тўғрисида оммавий ахборот воситалари орқали тушунтириш ишлари олиб борилаётганлиги

қарамадан, юридик ва жисмоний шахслар томонидан ҳамон бундай қўнуний ва меъёрий ҳужжатлар талабларини бажармаслик ҳоллари такрорланаётир. Бу эса уларнинг

Ўзбекистон Республикаси қўнунларини билмасликлари, ўрганмаётганликлари кўрсатади. Ушбу муаммоларни бартараф этиш бўйича Давлат алоқа инспекцияси қатор корхона ва вазириликлар билан биргаликда белгиланган режа-тадбир асосида назорат ишларини олиб боришда даром этмоқда.

С. АВГАНБОВ,
Давлат алоқа инспекцияси
телекоммуникациялар бўлими
бошлиғи

"O'zimpeksaloqa"

акциядорлик жамияти
акциядорлари диққатига!

"O'zimpeksaloqa" акциядорлик жамияти шунинг маълум қиладики, Тошкент шаҳри бўйича қимматли қўғозлар бозори фаолияти устидан назорат ва мувофиқлаштириш бўлими томонидан 03.08.2001 йилдаги "O'zimpeksaloqa" АЖ акциядорларининг умумий йиғилиши баённомаси ва Тошкент шаҳри бўйича Давлат Мулк қўмитаси бошқармасининг 07.08.2001 йил, 1-242 к-ПО- сонли буйруғига асосан "O'zimpeksaloqa" АЖнинг 1998 йил, 29 январдаги Q0186 - сонли проспекти эмиссиясига қўйидаги тартибда қўшимча ва ўзгартиришлар киритилди.

II бўлим. Акцияларни тақсимлаш тартиби:
2. Меҳнат жамоаси аъзолари томонидан сотиб олинган оддий номдаги акциялар:

- | | |
|---------------------|--------------|
| а) акциялар улуши | 5,2 фоиз, |
| б) акциялар суммаси | 1534000 сўм, |
| с) акциялар сони | 1534 дона. |

3. "Ўзбектелеком" АЖ устав жамғармасига берилган оддий номдаги акциялар:

- | | |
|---------------------|---------------|
| а) акциялар улуши | 76,44 фоиз, |
| б) акциялар суммаси | 22437000 сўм, |
| с) акциялар сони | 22437 дона. |

4. Эркин савдода сотишга қўйилган оддий номдаги акциялар:

- | | |
|---------------------|--------------|
| а) акциялар улуши | 18,36 фоиз, |
| б) акциялар суммаси | 5383000 сўм, |
| с) акциялар сони | 5383 дона. |

"ТОШКЕНТ ТЕЛЕГРАФ-ТЕЛЕФОН СТАНЦИЯСИ" АКЦИЯДОРЛИК ЖАМИЯТИ

акциядорларининг навбатдан ташқари умумий йиғилиши 2001 йил, 22 октябр, соат 10.00 да Тошкент шаҳри, Навоий кўчаси, 28 уйда ўтказилади. Акциядорлар соат 9.30 дан бошлаб рўйхатголинади.

КУН ТАРТИБИ:

1. "ТошТТС" АЖ уставининг проспекти эмиссиясига янги тахрирдаги ўзгартиришлар киритилади.

2. "ТошТТС" АЖ Кузатув Кенгашига аъзоларни қайта сайлаш.

Йиғилишда 2001 йил, 21 сентябр ҳолатига кўра акциядорлар реестрига киритилган акциядорлар қатнашиш ҳуқуқига эга. Саволлар учун қуйидаги манзилга мурожаат қилин: Тошкент шаҳри, Навоий кўчаси, 28 уй.

КУЗАТУВ КЕНГАШИ



"Тошкент Телеком" акциядорлик жамияти жамоаси корхонанинг бош директори **Зоҳид ҚОСИМОВ**ни туғилган куни билан самимий табриклади. Унга узоқ умр, сийхат-саломатлик, оилавий бахт ва алоқа соҳасидаги ишларида зафарлар тилайди.

ДОИМО ГОЛИБ ЭДИЛАР

Қари кампирнинг ҳаёти бирмунча оғир кечар эди. Чунки унинг на яқинлари, на болалари — ҳеч ким йўқ эди. Бунинг устига, кўзи оқиб эди. Бундан хабар тошган Ҳазрати Умар ибн Хаттоб (р.а.) аҳлиқ билан унинг ёнига келиб:

— Эй онажон, мен сизнинг ҳоливиңиздан ҳар кунги хабар олиб тураман. Уйингизни супуриб-сидириб қўяман. Ўзингизга қарайман. Таомингизни пишириб бераман. Сиз энди ҳеч безовта бўлмайсиз. Машаққат ҳам чекмайсиз, — дедилар. — Фақат бир илтимосим бор. Мени ҳеч кимга айтмайсиз. Сизга қўрсатадиган хизматимни ҳам бирон кимсага билдирмайсиз? Ҳўми?

Кампир хурсандлик билан бунга рози бўлди. Она-боладек ҳаёт кечира бошлади. Кунлар ўтди. Ҳазрати Умар (р.а.) олиҳиммат ишларини давом эттирвердилар. Кунларнинг бирида кампирнинг ҳолидан хабар олай деб кирдилару хайратдан ёқа ушлаб қолдилар. Уй супурилган, атроф чинидек топ-тоза. Кампирнинг олдида таом ҳам қўйилган.

Ҳазрати Умар (р.а.) таажжубланиб:

— Эй онажон! Мен сизга, ҳеч кимга айтманг, мен ўзим сизга қараб тураман деган эдим-ку, — дедилар.

— Мен ҳеч кимга ҳеч нарса айтганим йўқ, — деб жавоб қилди кампир.

Ҳазрати Умар (р.а.) "Савобли ишни мендан олдин қилаётган инсон ким экан", деб турган вақтларида, не кўз билан қўрсатиларки, ичкаридан Амирул-мўминини Ҳазрати Абу Бакр Сиддиқ (р.а.) чиқиб келмоқда эдилар.

— Сиз... сизмисиз, эй амирул мўминин, жонингизни сизга фидо бўлсин, — дедилар-у, бошқа сўз айтишга тиллари айланмай қолди.

Уша вақтларда Ҳазрати Умар (р.а.) адлия ишларига масъул эдилар. Ул зот: "Қандай ишда бўлмасин, Абу Бакр Сиддиқ (р.а.) билан мусобақалашмай, ҳаммасида у киши галиб чиқар эдилар", деб тан олган эканлар.

КЎЙЛАГИ ЯМОҚ БОЛА

Ҳазрати Умар ибн Хаттобнинг (р.а.) ёш ўғиллари кўчада болалар билан ўйнар эди. Боланинг кўйлагига бир неча ямоқ солинган бўлиб, тенгқурлари унинг устидан кулишди. "Отанг амирул мўминин бўлса-ю, сен шундай йиртиқ-ямоқ кийимда юрсанг", деб камситишди. Ҳазрати Умар (р.а.) ўғиллари бундан жуда хафа бўлди. Отасининг ҳузурига бориб:

— Болалар кийимимдаги ямоқларин қўриб, устимдан кулишяпти, — деб бўлган воқеани сўзлаб берди.

Шунда Ҳазрати Умар (р.а.) ўғилларига:

— Хазиначига бориб, хазинадан бир кийимлик мато берар экансиз, отам маошларидан олиб ўрнига қўяр эканлар, дегин, — деб тайинла-

дилар.

Ўшл хазиначининг олдида бориб амирул мўминининг сўзларини айтди. Хазиначи унга:

— Агар отангиз маош олгунларича яшаб туришларига қанолат берсалар, сиз айтган матони бераман, — деди.

Ўшл хазиначининг ҳеч нарса бермаслигини тушунди. Оталари Ҳазрати Умар (р.а.) ҳузурларига бориб, хазиначи нима деб жавоб берганини айтди. Шунда Умари Одил:

— Агар хазиначи сен айтган матони бериб юборганида эди, мен уни ўша ондаёқ ишдан бўшатган бўлар эдим, — дедилар, сўнгра ўғилларига таскин бердилар.

ЖАСУР ЎҒЛОН

Ҳазрати Умар ибн Хаттоб (р.а.) йўл бўйида ўйнаётган болалар ёнидан ўтмоқда эдилар. Болалар мўминлар амирининг салобатидан қўрқувга тушибди. Шу боис йўлдан четлашибди. Лекин бир болакай жойида тураверди. Ундан бошқа ҳеч ким қолмади. Мўминлар амири унга яқин келдиларда, табассум қилиб:

— Нимага сен қочмадинг? — деб сўрадилар. Бола Ҳазрати Умарга (р.а.):

— Йўл тор эмас, сизга бўшаётган десам, гуноҳкор эмасман, сиздан қўрқай десам, — дея манрур жавоб қилди.

Боланинг шижоатидан Ҳазрати Умар (р.а.) хурсанд бўлдилар. Келажакда улут инсон бўлишга умид бовладилар.

Йўллар ўтиб, бу умид ҳақиқатга айланди. Бола улгайиб, замонанинг улукларидан бири — саркарда Абдуллоҳ ибн Зубайр (р.а.) бўлиб етибди.

ЧИРОҚНИНГ ЁҒИ КИМНИКИ?

Ҳазрати Умар (р.а.) халифаликлари даврида уйларига маккалик бир оиналари меҳмон бўлиб келди. Қоронғу кеча эди. Ҳазрати Умар (р.а.) уйларига давлат ишлари билан машғул эдилар. Оиналаридан узр сўраб, бир оз кутиб туришини айтдилар. Давлат ишлари битирганларидан кейин, ёниб турган чироқни ўчирдилар ва бошқа чироқни ёқдилар. Дўстлари бундан хайратланиб, сабабини суриштирди. Ҳазрати Умар (р.а.) шундай жавоб бердилар:

— Ўчирилган чироқнинг ёни хазиначидир, яъни давлатники. У давлат ишлари қўрилаётган пайтда ёнса, менга ҳалол бўлади. Сен эса, менинг ошнамсан, суҳбатимиз ҳам ўзимизга тегишли бўлади. Шу сабабли ёни ўз пуллимга олинган инсонни чироқни ёқиб қўйдим. Давлат молидан хусусий ишларда фойдаланилса, киши омонатга хиёнат қилган янглиғ гуноҳкор бўлади.

"Саодат қучанлар ибрати"
китобидан

ҲИҚМАТЛАР

Эй, ўғил, фарзандингни тарбиялашдан аввал сен ўзингни тарбияла. Тарбия қўрган оилада тарбияли, фазилатли, билимли киши балогатга етади. Шундай нақл бор: ўғрининг боласи тўғри бўлмас, агар ул ота фарзанди бўлса...

Эй ўғил, билим мисоли бир чашмадур, уни сўнгги дақиқагача ич.

Бойлик молнинг қўлпигида эмас, қўлпигининг тўқлигидадир.

Ота - оиланинг подшоҳидир.

Фарзандинг сенинг тилинг билан сўзлашишга интилади. Сен бажарган ишни бажармоққа уннайди. Хулоса шуки, хунук одатлардан тезроқ воз кеч!

Маърифатга интилган одамнинг кўкрагидан ҳеч қачон итарма, унинг оқибати беҳайр тугар!

Абу Лайс
ас-САМАРҚАНДИЙ

"Тошкент Телеком" АЖ жамоаси Фазалкент туманлараро филиалининг директори Аллаберген Усқенбоевга ўқиси
Онгарбек УСҚЕНБОВнинг бевақт вафот этганилиги муносабати билан чуқур таъзия билдиради.



Шу йигитларки, қўлга нурли асо
ушлашиб йўлчиликни кўзлайлар.

Чўлпон

• Ажаб дунё

ЭЛЕКТРОН ДИКТОР

АҚШдаги "Пи Эй Нью Медиа" компанияси дунёда биринчи бўлиб кибернетик диктор аёлни яратди ва унга Ананова деган фамилияни берди.

Робот аёл Ананованинг ёши 28 да. Бўйи 1 метру 64 см. Кўзлари феруза рангли. Рассомлар унинг қадди-коматини уч ўлчамли компьютер графикаси асосида қизишган. Ананова мустақил ҳаракатлана олади ва жуда чироили тарзда жилмаяди.

Бундай яхши хислатлар соҳибасини эса қудратли дастур таъминотида эга компьютер бошқариб туради. Компьютер бир вақтнинг ўзиде минглаб ахборотни ўқийди ва энг зарурларини танлаб, инсон тилидаги талаффузга тушириб беради. Ҳадемай мутахассислар бу виртуал диктор хонимини интернет тармоғи ва экранларга чиқаришни режалаштирмоқдалар. Мутахассисларнинг фикрича, Ананова суткалаб матнлар ўқиши мумкин, энг муҳими, ҳеч қачон касал бўлиб қолмайди.

• Бу қизиқ!

РАНГИ

ЎЗГАРУВЧАН ҚУШ

Фарбий Африкада ташқи кўринишидан ёввойи каптарларга ўхшаш бир қуш яшайди. Бироқ патларининг ранги ҳар хил — товус каби товланади: зангор, кўк, сарик, тўқ қизил. Бу қушнинг яна бир хусусияти борки, у ёмғир остида қолса, ранглари "ювилиб", кўримсиз бўлиб қолади. Қуёш чарақлаб чиққач эса яна аввалгидек ял-ял товланади.

МУАССИС:
Ўзбекистон почта ва
телекоммуникациялар
агентлиги

Бош муҳаррир:
Шодмон
ОТАБЕК

ТАХРИР ХАЙЪАТИ:

Шомансур ОБИДХУЖАЙ
Шухрат ЖАББОР
Анатолий КУДИНОВ
Иzzат АХМЕДОВ
(Бош муҳаррир
ўринбосари)
Мирпўлат МИРЗО
Рустам ҚОСИМОВ
Курулбой ТЎЛЕБОВ
Ёқубжон ХЎЖАМБЕРД

ЖАМОАТЧИЛИК
КЕНГАШИ:

Саидмахмуд АКБАРОВ
Шохрух АКБАРОВ
Ортиқбой АБДУЛЛАЕВ
Меҳмонкул
ИСЛОМКУЛОВ
Тўлқин
ЛУТФУЛЛАЕВ
Бобохон ШАРИФ

МАНЗИЛИМИЗ: 700000
Тошкент-35, А. Толстой
кўчаси, 1.



ТЕЛЕФОНИМИЗ:
136-36-42, 136-35-29
144-29-09.
Факс: 136-36-42.
ИНДЕКС: 64600
ЖУМА КУНЛАРИ
ЧИҚАДИ

Тахририятга келган қўғамалар (2 ораликда, бетдан ошмаслиги лозим ва суратлар муаллифлар қайтариқмайди. Мақолалардаги фикр-мулоҳазалар келтирилган факт ва рақамлар масъулияти муаллиф зиммасидадир.

Газета Ўзбекистон Республикаси Давлат матбуот қўмитасида 00011 рақам билан рўйхатга олинган.

Буюртма № Г-2839.
4844 нусхада чоп этилди.

Офсет усулида босилди.

Бичими А-3, ҳажми 1 босма табок.

Газета тахририят компьютер базасида терилди ва саҳифаланди.

«ШАРҚ» НАШРИЁТ-МАТБАА

АКЦИДОРЛИК
КОМПАНИЯСИ
БОСМАХОНАСИ.

Манзили:
Тошкент шаҳри,
«Буюк Турон» кўчаси,
41-уй.

Босишга топширилди — 18.00
Босишга топшириш вақти — 18.00

1 2 3 4 5 6